


www.BibleForChildren.org


Nau Ntóm 3




Jêh ri Ađăm tẽ rnhã ur pãng i nây
kuăł lah «Êva», yorlah pãng nơh i
mẽ dâng lẽ rngôch bunuyh.




Ntơm nơh geh du mlۆm bēh jēng
mpōmpa (siũm) bri, pǎng blaο rǎm nau
rlao bu, đah ma mpōmpa (siũm) aǎ
ēng ta bri i Brah Yēhōva lě jēh njēng.
Geh du nar bēh nây ōp ma bu ur i nây:
“Hơi yōh, ngǎn lah Kōranh Brah lah
nơh: «Mâu ǎn khân ay may sa play
dâng lě ta mir
dja?»”



Bu ur i nây ơh ma
păng: “Lịch ndri ôh,
play ta mir dja Kôranh
Brah ăn hên sa dadê,
tôm play i nklang mir i nây du tôm dơm,
Kôranh Brah lah: «Play tôm si i nklang mir
i nây mâu ôh ăn khân ay may sa, mâu ôh
ăn khân ay may pah, lah
sa lah pah khân ay may
mra khât ro», ndri lah
pre ơh”.




Bêh lah ma bu ur i
nây jât: “Mâu khât ôh
yôh, khân ay may mâu
khât vă. Kôranh Brah
Păng gít, lah khân ay may sa, măt mra
ang, ri mớ dâng khân ay may jêng tâm ban
ma Kôranh Brah nôm, gít năi ndơ ueh ndơ
djơ đổng ẽ”.



Jêh ri bu ur i nây say play si i nây dũm
ueh ngãn, ũch ma sa ro, pãng kơnh
geh nau gĩt blao i ri, n'ho ma tât pãng
pẽ sa. I sai pãng gũ đah pãng nơm ta
nây đõng, jêh ri pã ăn i sai pãng sa, i
sai pãng sa đõng.



Jêh sa play i nây, mắt khân păng say
ang ngăn ro, n'ho ma gĩt lah sắk
khân păng nờm gũ lahôk đống, jêh ri
khân păng pẻ n'ha Rvijâng tâm nkrêp
jan bok gay ma mbăn sắk jăn khân
păng nờm.





Jêh ri Brah

Yêhova kuăl i sai ri: “Hơi Adăm, ah
may hơ?” Păng ơ: “Gập tăng May hăn rồ mir nây,
gập klach nsở ngăn, yorlah gập nơh gủ săk lahôk
dơm, kơt ndri dăng gập krap Kôranh Brah mê”.






Brah Yêhova

ôp jât: “Bu moh mboh ma may,
dâng may gĩt lah gũ lahôk? Gĩt may geh
sa play si i Gáp buay mâu ăn may sa nơh mâu?”



Adãm ơ: “Bu ur i May ăn gũ ndrel gập nơh, pãng
ăn play i nây ma gập, jêh ri gập sa đổng”. Jêh ri
Brah Yêhôva lah bu ur i nây: “Moh jan ay kot
ndri ri?” Bu ur i nây ơ: “Bêh de mbrôh đã
gập sa, dâng gập sa play si i nây nơh,
Kôranh Brah mê”.






Ndri dâng Brah Yêhova ntrüt mproh
khân păng du lôh bôh mir Êđen nây,
ăn khân păng gũ ntũk êng, jan mir
pők neh i Brah Yêhova sỗ mon
njêng khân păng nơh.





Jêh ntrüt mproh khân păng du lôh bôh
mir Êđen i này, Brah Yêhova ăn tông
păr Chêrupin, ndrel ma đao ùnh rvao
nưăng trong, kốp bôh mpeh lôh
nar mir Êđen này, gay ma lơi ôh
ăn bunuyh plở tay
ta tơm si i ăn
nau rêh n'ho ro.



Jêh ri Adăm gŭ đah Êva i ur păng ri, Êva ntreo gŭ oh
geh kon nguai, jêh ri Êva lah: “Dja Brah Yêhova ăn gâp
geh du huê kon bu klô, gâp be tễ rnhă păng «Kain»”.

Jêh ri păng geh tay du huê kon bu klô
jât, păng tễ rnhă Abel. Tât khân păng

lễ ndăm, i oh ri bunuyh


chiăp be biăp,

i nô ri bunuyh


jan mir.



Geh du nar i nô sǎ bǎ ndơ i geh tă bớh mir pǎng nờm
nây, jêh ri ndjôt nhhơ ǎn ma Brah Yêhova. Lǒng i oh ri
nhhơ đǒng, pǎng sǎ i kon dak bôk ta
phung mpômpa (siũm) i pre chiǎp nây
bǎ, ndrel ma i ngi ta sǎk, jêh ri pǎng
nhhơ ǎn ma Brah Yêhova.



Nôk păng nhưn nây, Brah Yêhova rằm ngấn ma păng,
ndrel ma ndơ nhưn păng nây. Tih ma Kain i nô păng ri,
Brah Yêhova mâu rằm ôh, ndrel ma ndơ
nhưn păng. Ndri dâng Kain nuih hô
ngấn, muh mắt păng chăng rỏnh.




Kah du nar nây, Kain jă i oh păng nây hăn
lôh a mir. Tăt ta mir ri, Kain rdôh nkhăt lơi
oh păng nây tăt khăt ro.



Jêh ri Brah Yêhova ôp: “Hơi Kain, ah oh may này
mêh?” Kain ơh: “Gĩt eh, gập mâu gĩt ôh Kôranh Brah
mê, gập gĩt ma bunuyh mât păng lah?” Jêh ri Kain du
lôh bớh này, păng du bớh mắt Brah
Yêhova ngấn, gũ ta ntũk bri Nôt
mpeh lôh nar ma ntũk Êđen, ndrì
păng Kain i ri heh.



Adăm hơm gũ đah ur păng jât, jêh ri ur păng gũ oh tay du huê kon bu klô, păng lah: “Kon dja Kôranh Brah ăn tay ma gâp, gay ma ntrö Abel i Kain de nkhât nơh” kơt ndrì rnhà păng «SêT».



Jêh păng bă Sêl nây, bôh kơi nây păng hơm rêh geh 800 năm jât, n'ho bă oh bă kon, geh kon bu ur kon bu klô đống. Păng rêh dâng lể geh 930 năm, jêh ri khât.



Jêh ri Brah Yêhôva say nau tih bunuyh jan ta
neh ntu dja hô ngăn, nuih n'hâm nau mân
khân păng nơh ứch jan nơh dũt djơh
nâng ngăn.




Păng lah êng săk Păng Nơ: “Gập mra lơ
hêng lơ bunuyh i Gập njęng ănl bớ neh
ntu dja bốt, ntơm bớ bunuyh tăt ma
mpômpa (siũm) ta bri ta bon, siũm
mpăr ta kalơ trôk, ndrel ma ăp ntil
mpômpa (siũm) hung
vớ ta neh ntu dja,



yorlah Gập
nhhuach lănl njęng
păng nớh”.




Yơn ma geh du huê bu klô rnhă păng Nôê, Brah
Yêhova di nuih n'hâm ma păng. Nôê bă kon bu
klô pe ỡ, rnhă khân păng Săm, Hăm,
ndrel ma Yaphet.



Yorlah Kôranh Brah rông hô ngăn ma
dâng lể bunuyh, tât Păng jao Kon
nguai ở Păng nôm ăn bu nkhât, gay
ma bu moh nsing ma Kon i nây mâu
geh ôh tể dôih, geh nau rêh
n'ho ro ngăn.



2



60



Rôm 3:23

yorlah dâng lể bunuyh lể jan tih dadê, mâu geh ôh du huê
jan dũt ueh kơt Kôranh Brah ứch.

Rôm 6:23

Nau jan tih leo tât ta nau khât gũ ta ndrung ứnh n'ho ro.
Lống nơ Kôranh Brah ăn dơm dam ma bân jêng nau rêh
n'ho ro, tă bơh nơ Brah Krist Yêsu i Kôranh bân lể jan nơh.

Hêbrơ 9:27

Dâng lể bunuyh geh khât du tở dơm, jêh ri Kôranh Brah
nơm phat dôi,



Êphêsô 2:8,9

Tă bớh nau ueh Kôranh Brah, dâng Păng rklaih khân ay may, yor ma khân ay may nsing ma Brah Krist. Nau rklaih i này mâu ôh tă bớh nđơ khân ay may nờm jan, jêng tă bớh Kôranh Brah nờm ăn dờm dam. Mâu đổng di tă bớh bunuyh jan ueh, gay ma lơi ăn du huê bunuyh n'hi êng sắk pắng nờm.

Rôm 10:9,10

Bu moh i mớh nkoch ma mbung lah Brah Yêsu jêng Kôranh, nđập ma iắt ta nuih n'hâm lah Kôranh Brah jan ăn Brah Yêsu dắk rêh, Păng i này Kôranh Brah rklaih ngắn ro. Yor tă bớh nuih n'hâm bắn nsing ma Brah Yêsu dâng Kôranh Brah kớp bắn sớng, jêh ri dâng bắn geh rklaih yor tă bớh nau bắn mớh nkoch ma bu đổng, nau bắn nsing i này.



Yôhan 3:16,17

Yorlah Kôranh Brah rông hô ngăn ma dâng lể bunuyh, tât Păng jao Kon nguai ở Păng nôm ăn bu nkhât, gay ma bu moh nsing ma Kon i nây mâu geh ôh tể dôih, geh nau rêh n'ho ro ngăn. Kôranh Brah đã Kon Păng jũr ta neh ntu dja, mâu ôh gay ma tể dôih bunuyh ta neh ntu dja, yơn ma gay ma rklaih bunuyh yor ma Kon Păng i nây.

Yôhan Rơh 1 5:11-13

Kôranh Brah lể ăn jêh nau rêh n'ho ro ma bân, jêh ri nau rêh i nây jêng geh ta Kon Păng nôm, nau i nây jêng nđơ Kôranh Brah mboh nkoch ma bân. Bu moh i gũ tâm rnglăp ndrel Kon Kôranh Brah nôm, păng i nây geh nau rêh n'ho ro đổng, yơn ma bu moh i mâu ôh gũ tâm rnglăp ndrel Kon Kôranh Brah nôm, păng i nây mâu ôh geh nau rêh n'ho ro. Gâp nchih sambũt dja njuăl ăn khân ay may, gay ma ăn khân ay may gĩt i lể nsing jêh ma Kon Kôranh Brah nôm, khân ay may lể geh nau rêh n'ho ro jêh.



Nau Ntɔm 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Mnong, Central Bible (cmo) © (Active)
Wycliffe Bible Translators, Inc. All rights reserved.

<https://www.bible.com/bible/1657/GEN.1.CMOL>

©2026 Bible for Children, Inc.

www.M1914.org

www.bibleforchildren.org

